

РУССКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, штварток 17. новембар 1927.

Ч. 45 (152)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Цо их вяже?

За Америку ше гутори, же то жем невозможних возможностей. А и за нашу Югославию могли би ше исто повести. Цо индзей невозможно при нас ипак возможно. Так на приклад невозможно и подумац, же би ше нашла една держава у котрей би не було единственого законодавства, а при нас уж през 9 роки управля ше 6 покрајнох по својх окремних законах. Индзей шицки граждане плацаю еднаки порції а при нас ше дзеля на „вашо“ и „нашо“. Нашо (Сербиянци) плацаю барз мало а „вашо“ (пречане, Войводина) ше згинау под порцину терху. Индзей ше политичаре тримаю програму своей партиі, ведзе их у роботы поштене и любов гу народу, а при нас преуказую свою мудросц у тим, кед еден другого сприведзе, да ше лем дограбу власци. Але у послїдни часи наша жем посцигла у тим рекорд. Двоме найвекши политически неприятеле С. Прибичевич и С. Радич вимирели ше. Вони, котри еден другого гонели як дзиву жвир тєраз основали и единствену политическу партию. Не возможно, але так ест. Звичайно ше гутори, же неволя людзох здружуе. И Радич и Прибичевич пре свою глупаву политику пришли до опозиції, а то за нїх найвекша неволя, котра их звязала. Але ест у нїх и цошка инше цо их вяже, а то су неверносц, уничтожующе действоване и мержня на шицко цо католическе. У тим су зложни, и велї людзе предсказовали напредок же Радич и Прибичевичи ше годне и зложни. Вяже их неверносц. Радич основал републиканску партию, обецовал хорватскому народу републику,

и котри ше дали йому спривесц, верели му и пошли за нїм, мушели на своім хрибту, спривовац републику. О кратки час Радич ше одрек републики и својх прихильников, котри пре нього страдали. Вец зложел союз зос Давидовичем и Корошцем, о мало зохобел их и прешол на страну покойного Пашича. Нїгда не мал стаємного програму, вше бул нестаємни и неверни союзник. Так исто и Прибичевич найперше бул у хорватско-сербскей коалиції, вец напушел својх колегох и приступел до Давидовичевей демокр. партиі вец сцекол зос партиі и пришол гу Пашичови, докля го Пашич од себе не дрилел. Так остал сам, док ше не сплетол зос Радичем.

Вяже их унічтожующе действоване. Хто вельо бешедуе, мало роби а то ше доисцело при Радичови. Кельо год наша держава мала министрох просвити чєжко, же да еден бул таки неспособни як Радич. Медзи народом його работа унічтожуюца. Медзи його присташима пануе подполно большевицки дух; не припознаване авторитету и власни. Прибичевич заш док бул министр нукашнїх ділох и просвити ишол за тим, да унічтожи тото, цо ше презстолїтїя обудовало, и цо значело одну культуру особено у хорватских крайох.

Вяже их мержня на шицко цо католическе. Лебо як би вони поведли, клерикално. Так Прибичевич забраньовал конгрегациі (дружтво прєсв. Богородици.). Медзи школску мвладєжу, священником катакз учиж, и т. д. Радич не дал помоц гимназиї на Широком Брегу у Босни котру веду Франєвци. клевета священство, хвалї про-

гонителя церкви Калеса, руга ше богослужєном и хто би вичитал шицко тото, цо його блатни язык уж виводит про цати катол. вири.

Ето так ше нашли двоє людзе, котри вяже саме зло. Стари Римлянин Ци-

церо гварел: Non est amicitia nisi inter bonos, inter malos coniuratio vocatur. Цо на руски значи: Приятельство може буц лем медзи добрима, а медзи злима вола ше урота.

У нашом отечеству

Политическе положение

Медзи демократами и радикалами пришло поновно до незлоги. Радикали сцели, да нови опциински одбори у Войводини буду так основани, же би вони мали векносц. Поглаварство опциинно сцели вони виберац при участїю вельких жуланох и старих одборнїкох, котри сами радикали. Радикали ише сцели, же новтаруше остане цели, тоти цо були у служби до 3 септембра. На тот способ не могл би буц а и еден новтаруш ново положени. Отримана конференция медзи посланиками обидвох партиїох, на котрей ше спорозумели, да нови вибрани опциински представителї сами медзи собу виберу управу а так исто за новтарушох буду именовани шицки котри маю потребни квалификації лебо, котри уж були новтаруше.

Радич и Прибичевич зложели еден политический клуб, котри ше вола „Селячко-демократска коалиция“. Вони ше обязую, же еден без другого не ступи до влади, и же еден без другого не буду правиц нїяки союзи з другим партиями. Нашла дзира плату.

Велька прєслава Кирила и Методїя

Католицї у Београду прєславляю днїя 27 новембра на торжественни способ юбилей св. славянских апостолах Кирила и Методїя. Торжєство ше одбудзе у велькей сали универзитета на 6 годз. вечар.

Апостолски нунций у Београду

Тих днїох поврацел ше зос Италиї апостолски нунций Пелетринети. Вон бул там длужни час на лічєню. У политических кругох ше бешедуе, же пофришко придае до конкордату медзи Ватиканом и нашу дер-

жаву на кеди ше министр Маринкович повраци зос Лондону.

Умар Др Ладислав Полич

Еден од найвекших наших учєнякох и профєсорох Др. Ладислав Полич умар у Загребу. Вон бул народни посланик и профєсор универзитета. Написал вецей кнїжки о медзнародним праву и бул член законодавноту одбину народним суду у Хаагу. Родзеци 1874 року.

Кондуктере помагаю крадошом

Писали зме уж, же полиция владела цалу организовану банду крадошох, котри крадли по вагонох и плячкали путнїкох. Медзитим ше утвєрдзело, же крадошох помагали сами кондуктере, котри ше вец за нїма дзелели. Двоме од нїх придани до суду у Осєку.

Обявел ше по 13 рокох

Своім родитєлом до Београду обявел ше Драгомир Милошевич зос Солуну, за котрого вони уж думали, же мертви. Милошевич прєпад у Сербїи ише 1914 року. Немци го залапели а вон вец прешол до Америки, ту виучел ювелирское ремєсло. По тим ше врацел до Цариграду и Солуну. Оженел ше зос єдну богату Грекиню и нешка богати тарговац, котри ше дума приселиц назад гу-своім родичом.

Демонстрації процив Италиї

Тих днїох наворачело ше 7 роки од кеди потписани уговор у Рапалу медзи нашу державу и Италию. По тим уговору страцели зме Истру и часц нашей Словєниї. У теї нагоди

готовели ше преподованія о живоце наших землякох у Италиї. Медзитим полициски власти забранела тоті преподаванія. У поединих варошах младеж протестовала проти тим забраном и пришло до демонстраціох против Италиї.

Перши шніг

Зос całej Словенї приходза висти, же там падаю вельки дижджи, пре котї Сава барз ше дзигла 2 и пол метра над нормалу и виляла ше. При тим зробела вельки чкоди и одвисла даскельо древени мости. У Любляни през цалу ноц в недзелю падал шніг а так исто на пондзелок у Загребу и Новим Саду.

Велька буря у Митровици

Прешлого тижня була над Митровицу велька буря зос шнігом. На даедних кровох на хижох по окраїскох зробела буря вельки чкоди а так исто поламани телеграфски слупи и прервани телефоново звязи.

Конгрес земледілох

Союз сербских земледілох отримал дия 14 и 15 того мешаца, свойо главне собрание у Новим Саду. Радзели ше о современей чешкей газдовскей кризи, котра так чешко прицисла земледіла.

† Георгий Манойлов

(2. III. 1861 — 6 XI. 1927.)

Мало ше найдзе, — або оздаль и нет Русина у Югославни, кому би було непознато мено Г. Манойлова. Вон бул славни кантор не лем у Керестуре, але и у całej нашей крижевацкї епархиї. Шицки єме ше виношели зос його гласом, бо бул прекрасни, умилно приятни. Вон бул вше скромни. Нігда ше не похвалел, — и не цискал ше пред других. Тримал — и патрел го за дар од Бога, и употреблял го зос задовољством лем при богослуженийох або у других званичних згодох.

Але ето! нет вецей медзи живущима нашого славного дзияка, нашого любого приятеля. Немилосердна шмерц 6. новембра 1927 року зауставела на вики орган його гласа и дух його ше преселел там, дзе и нас шицких чекаю уж вельо милиони наших предкох.

Родзел ше у валале у Ершава, у терашней Чехословацкей у подкарпатскї Русї, 2 марта 1861 р. Оцек му бул у истим валале учитель и кан-

тор. Основну школу вершел при отцови, гимназию у Ужгороду, дзе добил учительску и канторску диплом 24 юна 1883. По свершеню школох доразступел до служби.

Перша його посада була Шаланк у терашней Чехословацкей. Ту дораз у початку свойогу службованя основал шпивацке друштво и водзел го с таким успихом, же о кратке време довзала ше о нїм и управа владичества Ужгороду. Його красни глас, музикалне чувство и вредносц познал и тогдашнї крижевацки владика, Дрогобецки. Зато кед у 1895. року ше упражнело канторске место у Керестуре, преосвящени покойного пововал и именовал на то место. Вон ше приял, и завжал канторске место у Керестуре 1 октября 1895 и ту служел и як учитель не преривно аж до своей шмерци, дакле през 32 роки, на найвекше задовољство вишей власти и цалому народу.

Винчал ше зос Йоану Лип-

чей 21. фебруара 1884. р. и жил зос нїо до ей шмерци т. е. до 1 мая 1915 р. дакле за 31 рок. Виховал шесцero дзєци. Вельо ше трудзел и жертвовал, да дзєцом да цо лепше воспитанє и више образованє. Гледал и нашол радосц на старосц у дзєцох. Два дзєвки и троме його синове як народни учители — а єден син як священник служба рускому народу.

Покойни з векшим удовольством и стручно ше занїмал зос пчоларством. Стално бул члан державного пчоларского друштва, читал и преучовал стручни пчоларски новини; ходзел на пчоларски конгреси и вистави; мал свой модерни ушорени пчолник, у котрим ше практично занїмал зос пчоларством. У тей ствари свойо знанє и искусства употребил и у корист народа. О пчоларству тримал вецей явни преподаванія народу, писал статї до календара, о тим радо беседовал у друштву и давал поради каждому. Хто ше гу шлому обрацел. И же у Керестуре вст вецей пчоларох, котри ше интензивнейше занїмаю зос пчоларством и показую векни резултат у производу меда, — можеме повесц, же у тим покойни ма свойо заслуги.

В недзелю, дня 6 нов. по чешкей и длугей хороти преселел ше до вичносци. Погреб ше десел на швето (св. муч. Димитрия). Бул прекрасни єшенски дзєнь, на погреб пришло множество народа зос валалу а були заступлени и сушєдни руски и не руски валали.

Погреб ше окончел у церкви. Богослужєнїє вершєли штирме священници и штирме дзияци. На ковру шу шпивало погребни писни шпивацке друштво, котре покойни основал и як короводя управлял аж до своей шмерци.

На погребу присуствовали и мертве цело покойного одпровадзели зме гу гробу: учительске друштво з места и заступници страного учительства; церковни — и опщински одбор зос општинским поглаварством и други през разлики вери и народносци.

Цале жалосне торжество показовало прекрасни вираз почитованє породного гу покойноме.

Виставоу, преминаю старя работници, чи ше найду им достойни повн замєнщи.

М. А. Поливка

Нашим предплатніком!

Модліме шицких наших предплатнікох, котри ище не намирели свойо длуштво за нашо новини, най то дораз зроби. Не забудзме, же ше нашо новини отримую єдино зос предплату свидомих и просвищених Русинох! Пенєж посилац на Руске Просвитне Друштво Руски-Крстур (Бачка).
Управа Р. Н.

ФЕЛЬТОН

ДВА СУДЬБИ

(Народна приповедка)

Жил раз єден человек, родзел двох синов и умар. Браца ше одлуча женїц; старши вежнє худобну, а младши богату дзєвку. Так вони жили мирно и не вадзели ше а и не дзелєли ше длуго. Кед лем раз жени ше почню вадзиц. Єдна гутори: я ше одала за старшого брата; предня хижа моя“. А друга заш гвари: „Не, бо предня хижа моя, я богатша як ти“. Браца длуго лем патрели и слушали, як ше жени вадза. Подзєля оцовшчину и розиду ше. У старшого брата ишло вшелїяк, дзєци ше родзели, а господарство здня на дзєнь вше горше, так же на концу зошицким препад. Док було хлебика и пенєжи, радовал ше вон свойм дзєцом, а кед понє-

стало шицкого и вон охудобнєл зошицким, омержел и власни дзєци свойо. Кед уж далєй не могол витримац, пошол гу братови и так ше му модлєл: „Помож ми у мойм худобству“. А младши брат не вислухал його молбу, але му так одвитовал: „жїй себе як знаш, и мойо дзєци здня на дзєнь рошню“. О даскельо днї заш придзе вон гу братови и почнє му ше модлїц: „пожич ми, модлїм це лем за єден дзєнь конї немам на чим орац“. Худобни пойдзе на польо и видзи, же хтошка на братових коньох оре.

„Стой! скричал вон, поведзце ми, хто сце!“

„А хто ти за єден!“ „Да, я ше зато питаю, бо то брата мойого“. „А чи ти не видзиш“, озве ше єден од земледілох, я щєсце брата твойого; вон нїс, преходзи ше геваль тамаль, за нїч ше не бригує, а ми намєст його робимє“.

„А дзе ше скрило мойо щєсце?“

„Паля, твойо щєсце там ни а, лежи у хладку и дзєнь и ноц нїч не роби лєм шпи“.

„Добре, добре, думал себе худобни брат, ша знаш, же це влапим гоч як. Кушчик одидзе, виреже грубу палїцу, доцагне ше гу його щєсцу вдери го по хрибце кельо лем могол. Щєсце ше пребудзи и пита му ше: „цо ме бієш?“ „Ишче ше питаш? поштени людзе ору жем а ти ту здихаш“.

„Но, но, оздаль не сцєш да по твоїм хрибце орем?“ — „Не будз шалени“. „Цо думаш, же вше будзеш лем у хлатку здихац? Ша я вецка мушим од гладу умрец“.

„Но, кед баш сцєш, да ци помагам дацо робиц, а ти ше охаб польодїлства, а почнї тарговиц. Я не навикла на тоту чешку польодїлску роботу, а до тарговини ше барз добре ро-

зумим“.

„Лєхко тебе гуториц, да почнєм тарговац, а я немам цо положиц до устох“.

„Е, дабоме. Вежнї женїну нову сукню, предай ю; за тот пенєж куп нову и тоту предай. Я ци будзем помагац; вше ци будзем за пєтами“.

„Добре, гварел человек“.

Ютро дзєнь гвари вон свой жєни: „женко зберай ше пойдзєме до варошу“.

„Нач?“

„Запишем ше до цеху и почнєм тарговиц“.

„Ошалєл ши, чи цо цї ше стало? Дзєцом не маме цо дац єсц, а вон сце тарговиц?“

„То не твоя работа, позберай шицко цо маме и пойдзєме“. По мали ше вони позбераю, помодля ше Господу Богу и замкню свою хижочку. Кед нараз лем чую, як хтошка нука нарика. Хто то, пита ше человек“.

ШИРОМ ШВЕТА

Пакт пријateljства зос Француску

Потписоване пакту пријateljства зос Француску у цалей нашої держави пријало ше зос вельку радосцу. По тим пакту утвѣрдзело ше старо пријateljство зос Француским народом. Шицки неспорозуміня медзи обидвома державами буду вимирени найлѣпшим способом а исто так ше обяую на медзисобну помоц, да ше отримам мир у Европи. Зос тим пактом найбаржей незадовольна Игалия и Албаниа бо випатра, же и други держави на Балкану пойдут шлїдом Югославїи. —

Медзи большевиками у Русїи

Большевицка партия у Русїи подзелена на два части, бо велї незадовольних зос управу. Незадовольних водзи Троцки и Зиновев. На главним засиданїю партия отримал Троцки бешеду и виявел, же вон подзвїгне кирваву революцію против нешкайших водьох комунизму. Троцки зос своїма, товаришами виключени зос партия. По найновших вистох Троцки забити тих дньох у Москви, други заш гваря, же сцекол до Немецкей. Дзенапрочїца больш. влади преславена по цалей жеми найторжественїше.

Найвекша крилатица швета

Едно американско дружтво нацумало збудовац крилатицу, котру буду гонїц 8 вельки мотори. Заправо то буду три крилатици зложени, до едней. Длужина будзе вишошовац 50 метри. Тота найвекша крилатица на швецѣ будзе лѣниц медзи Америку и Европу!

То я, твійо Нещесце“.

„А чом же плачеш?“

„Як да не плачем? Ти сам отходзиш, а мне саму ту охабяш“.

„Не охабим це не бой ше мила моя, и тебе вежнем зос собу“.

„Жено винїмай зос лади шицки ствари“.

Жена випражнї ладу, а человек гвари Неволї. „Войдз нука“. Вона войдзе нука, а вон фришко замкне ладу. Зос трома локотами замкне ладу, закопе ю до жеми и так ей прегвари: „дай Боже, да препаднѣш на вики, да за це нїхто вецей не зазна“.

Приде до варошу зос жену, вименї себе дутян и почне тарговац; вежне же нїну стару сукню, преда ю за пейц динари; за тоти пенежи купи нову сукню и преда ю за дзешец динари.

Так вон помали тарговал и за кратке време ше збогацел. Дочул то його

Божий гроб у Єрусалиме

З нагоди послїдного трешеня жеми у Палестини церква над Божим гробом у Єрусалиму так моцно попукала, же ше готово звалѣла. И тѣраз каждого часу може купула спаднуц. Прето забранели уход до церкви док ше темелїто не поправи.

Немецки двойнята

У тим року народзело ше у Немецкей 19,573 двойнята у 231 случайох народзели ше тройнята.

Тарговски уговор зос Аустрію

Тих дньох мал ше предлужиц и преправиц тарговски уговор, котри потписани медзи нашу державу и Австрію. На чолѣ австрийскей делегациї котра приходзи гу нам вст познати ученик у тарговских стварох Др. Шалер.

Шпански краль пок крадзени

Шпански новини являю, же зос кралевскей палати у Мадриду украдено велї драгоціносци а найвецей особна одликованя кралово. Полиция пренашла, же ствари покрад сии едного кралового слуги.

У вагону зос яблуками

Еден тарговец зос Берлину купел вагон яблука у Шлезїи, и кед вагон отворел зачудовал ше бо у вагону були медзи яблукама двома хлапци. Вони гваря, же ше бавели а вец вошли до вагону та заспали. Ме-

младши брат и пойдзе до нього на гостину. Кед пришол там, пита му ше на яки способ ше так фришко збогацел. Барз лехко гварел му тот. „Я свойо Нещесце закопал до жеми и гуя“. „На котрим месце“, пита му ше младши. „На пажици при студнї“, гвари му старши брат. Младши брат мало не заплакал зос зависци, понаглял дому, викопал Нещесце и пуцел го вонка. „Айд понагляй гу мойому братови и унїчтож го зошицким, бо ше барз збогацел“. „Не пойдзем“ гвари му вона. Волїм остац при тебе. Ти человек добри, ти ме пуцел на шлѣбоду, а гевтот неваля, бо ме закопал до жеми“. Не прешло вельо часц, а завистни брат препадул зошицким. Постац найхудобнейши у валале . . . Цо р о б и з а в и с ц ? ? ? !

Р. К. 14./XII. 1926.

М. Няради уч.

дзитим пришли роботнїци та запечасели вагон и їх до нього. Випатра, же хлапци крадли яблука и скрили ше та их заварли. Придани полициї, котра их заш послала дому гу родичом.

Красни приклад

У Німечини у месту М. жїе медзи протестантами една католицка фамилия, котра ма до парохїялней церкви пол. другей годзини. Да може каждой недзелї и каждого праздника буц цала фамилия при Служби Божей, вони иду на желїзници до церкви, кед вельки дїждь, або вельке благо. Инїнак иду шицки пешо. Зос оцом и мацеру приходза ведно 11 дзеци. — И Бог дава и родичом и дзecom свой благослов.

Меркуйце и ви читателе Руских Новиных, же бисце не о-

пуцовали Служби Божей. Але ище баржей меркуйце на свойо дзеци, да и вони иду до церкви каждой недзелї и каждого праздника, да ше у церкви добре справую, и да не виходза зос служби пред благословом. — За дзеци свойо родичи буду давац отвит Богу всезнающому як их виховали.

Державни ювилей

Белгїя слави 1930 року 100 рочницю своей самосталносци. На памяток того буде цала Белгїя як памятник у Кокелбергу прекрасну церкву вчesc Христа краля. Тота церква ма буц гогова до 1930 року и вона ма шведочиц пред цалим швецом, же народ малей католицкей Белгїи бул вше вирни Христу кралю, и же Йому дзекуе за шицки добра, яки до тѣраз примал.

Зос наших валалох

З нагоди „Опцинских виберанкох у Сриме“

Од страни Одбору Р. Н. П. Д. апелуеме на ч особи: п. Якова Ерделїа, п. Бесерминя и п. Ильяка Крайцара, хтори почали у Р. Новиных водзиц явну полемику у вопросох партайскей политики шидскей општини,

да у интересу слоги и мира Русиных у тамтих крайох — престаню зос дальшу полемику и медзисобни конфликт мирним путем ушоря, бо наш о Руски Новици не шму ше мишац до вопросох чистей политической природи.

Председатель РНПД.
М. Мудри.

Вшелїячина

ПРОЦИВ ЖАЛУДКОВИХ БОЛЪОХ

Кед нападаю корчи у жалудку добре випис 3—4 капи правого етеричного кимлового зейгину у пол ложки моцней напички або руму.

ПАРАДИЧИ

добре робя покрутком, пречисцюю крив и благаю нерви,

КЕД ДАХТО НЕ МОЖЕ СПАЦ

най випис шольку балдрїановой теї. На едно шолю води положи ше една ложка теї випис пред спаньом,

ЛУКСОФОН

Луксофон вола ше нови апарат, котрого винашол америцки енджелїр Дїклей. Тот апарат ма такѣ свойство, же на 50 крочаї обявлюе присутносц живого створеня. На тот способ ше людзе буду мочи охранїц од крадежу, або збойнїцтва в ноцох, бо апарат явля, же хтошка ше приближуе.

ТАЙНА ДІЯМАНТОХ

Гваря, же діаманти часто премеия свою фабрику. У найновши часу обачело ше, же тота премеика стої у союз зос животом їх властителя. Бувши немецки посланик Малцман котри настрадац при лѣценю на крилатици мал тиж діаманти и вони у теї нагоди премеияли свою фабрику. Були чер-

вени а тѣраз су жовти. И кед оец Малцманов умар 1892 и теди діаманти премеияли фабрику.

КРАЙ, У КОТРИМ ЖЕНИ ВЕДУ ПРЕДОК

У Кавказу жїе племя на мѣно Чести. При нїх жени вѣду у шицким предок, лебо як ми гурториме, ноша калап. Жени не лем 'окончую свою домашню роботу але су и ремеселници, тарговци и т. д. Женом помагаю лем дзвчата. а хлопи оставаю лем вше дома и нїч не робя.

НАЙТОВСТЕЙШИ ЧЛОВЕК НА ШВЕЦѣ

Найтлустейши человек на швецѣ, котрого вообще исторїя спомина бул Едвард Брайд, тарговец у Ньюорку а жил у 18 столїтїю. Вон бул чешки 308 кили а умар у 30 рокох.

ГАД ЗАДАВЕЛ ДЗЕЦКО.

У Жуліе у фамилии Гон мац сцела покарац 3 рочне дзвчце, та ю замкла до пиньвици. Ледво ше дзецко розпатрело воцме, кед почало кричац: мамо, цошка идзе гу мнѣ! Мац на то не дзбала, бо думала, же малка ю сце спрѣвѣсц. Вец дзецко уцигло мац. О мали час пошла опатриц и на свою їстрахоту видзела окрученого гада коло дзвчца и дзецко спухнуте и задавене. Ето до чого приводзи нерозумна кара.

ВЕЛЬКА ПЛАЦА ЗА ШПИ- ВАНЕ

Познати шпивак Ф. Шалепин поеднал ше у Лондону, же будзе шпивац на концерту дня 11 и 13 окгобра того року, За кажди концерт достане плацу од 12.500 долари.

ВАРОШ, КОТРИ ВИМЕРА

По остатнім численю жителях у Видню (Бейч), указало ше, же у 1926 рок 28.220 души женей ше народзело як 1925 рок а вельо вецей умарли.

КЕЛЬО ВРЕДЗИ СВ. ПРИЧАСЦ

Славни Енглески кардинал Нюмен бул скорей англиканскей вири и мал рочни приход як архидиякон 100.000 франкох, то по нашим виноши коло 2 милиони динари. То була наисце красна, царска плаца. — Але тот человек не мал мира у своей души, покля бул у англискей вири. Вон дуго учел и читал католицки кнїжки, а попри то ше горячо модел, да го Бог прошвици и да му поможе нанси мир души. По вельким и дугим учению уверел ше о тим, же лем церква католицка походзи од Христа Господа, и же прето лем вира католицка права вира. Кед раз то спознал, совист му гуторела, да преїдзе на католицку виру. Його душа найбаржей жадала, да може прїяц святу причасц. Даскельо днї пред тим, як Нюмен мал преступиц на католицку виру, прїяцел ту ньому еден його прїяцель, па му так гуторел: „Прїятели, добре ше роздумай, по ти ребиш. Ти страиш свою плацу од 100.000 франкох, кед преїдзеш на католицку виру. Яка то велька чкода!“

На тоги слова так отвитовал Нюмен:

„Але цо то шицко вредзи вред едним святим причастіем!“

И Нюмен прешол на католицку виру. Страцел свой доходок од 100.000 франкох. Але його душа нашла мир. Вон ступел до семинара уж як старши человек, звершел богословию, постал священником, позїйше владиком и кардиналом Церкви Христовей.

Читателю! Кельо врези свята причасц у твоїх очох! Кельо ти цениш свою виру!

КРАСНИ ПРИКЛАД

Др. Симеон Слуньски, бувши адвокат у Милудове у Моравскей, жертвовал шицко своєю имчїне од едного милиона чешких корунох за шпиталь Милосердних братох у месту Валтици.

МУДРИ РЕЧИНА

Мало обещуй, шицко виполной.

З грихом и заблуду не шме буц компромису; медзи циганством и правду не може буц помиреня.

КЕЛЬО ВРЕДЗИ ТОТ ШВЕТ

У Лисабону у Португалскей задуркал недавно јдо лзверох варошког шпиталю еден слабо облечени хори человек и замоддел, да го там приму. Бул то славни Португалски списатель, Алоїзїй Камоненс. Жалостно попатрел наоколо и так прегварел: „Прїятеле и добротинителе мойо забули на мене. Ніч ми инше не остало, лем една била плахта за гроб!“

„Не так“, одповед му священик у шпиталю: „Преостава Вам, вельки списателю, ище Бог!“ Зос тима словами придал му до рукох св. хрест, да го побочка. Камоненс у дну души потрешени зос тима сло-

вами слуги Божого сциснул до рукох св. крест и вельораз го бочкал.

У нещесну гледай помоц у Того, котри едини годзен дац и потїху и помоц!

ШВЕТОЧНИ ОТПОЧИВОК

Недз. 23 по Сош.

ЛУК. ГЛ. 8. ЗАЧ. 38.

Во время оно, пришедшу Исусу во страну гадаринску, яже есть обь онъ поль Галїлеи. Изшедшу же ему на землю, срѣте его мужъ нѣкій от града, иже имяше бѣси от лѣтъ многихъ. и въ ризу не облачашеся, и въ храмъ не живляше, но во гробѣхъ. Узрѣвъ же Исуса, и возопивъ, припаде къ нему, и гласомъ велиимъ рече: что мнѣ и тебѣ Исусе Сыне Бога вышняго; молюся ти, не мучи мене: Повелѣваше бо духови нечистому изыти от человекѣ: от многъ бо лѣтъ восхищаше его, и вязаху узы железны и путы, стругуще его: и разтерзася узы гонимъ бываше бѣсом сквозѣ пустыни. Вопросы же его Исусъ, глаголя: что ти есть имя; онъ же рече: легеонъ: яко бѣси мнози внидоша въ онъ. И моляху его, да не повелитъ имъ въ бездну ити, Бѣ же ту стадо свиной много пасомо въ горѣ: и моляху его, да повелитъ имъ въ ты внити, и повелѣ имъ. Изшедша же од человекѣ, внидоша во свинїя: и устремися стадо по берегу во езеро, и истопе. Видѣвше же пасущїи бывшее, бѣжаша: и возвѣстиша во градъ и въ селѣхъ. Изидоша же видѣти бывшее: и прїидоша ко Исусови, и обрѣтоша человекѣ сѣдѣща, изъ негоже бѣси изыдоша, оболчена и смысляща, при ногу Исусову, и убояшася, Возвѣстиша же имъ видѣвшїи, како спасеся бѣсновавый. И моли его весь народъ страны гадаринскїя отити от нихъ: яко страхомъ велиимъ одержими бѣху, онъ же вшедъ въ корабль, возвратися. Моляшеся же ему мужъ, изъ негоже изыдоша бѣси, да бы съ нимъ билъ: отпусти же его Исусъ глаголя. Возвратися въ домъ твой, и повѣдай елика ти сотвори Богъ, и иде по всему граду проповѣдая елика сотвори ему Исусъ.

И иде по всему граду проповѣдая елика сотвори ему Исусъ.

Кажда душа на тим божим шведе дужна славиц Г. Исуса Христа нашего Спасителя, так як го славел виратовани человек од нечистих духов, котри по цалим варошу, дзе бивал проповидал зос вельку благодарносцу и любовию, яке му вельке добро зробел Исус, и славел го од цалей души и шерца своего.

И ми виратовани зос пазурох сотонских по Исусу, и прїяти зме по Ним за синых божих до царства небесного, яке е Христово царство, до котрого нас откуплених зобрал, и чува з ласку свою бесмертни души нашо!?

Г. наш Исус Христос виявел пред Пилатом торжественно, же вон воистину цар (краль), але такой додал, же його, царство „нїст од мира сего“. „Вся ми предана суть Отцем моїм,“ глагол Исус. Його е жем и шицко ей богатство, злато у горох, бисер у морїох; шицки водни и витрови сили; трескане и гирмотане хмарах небеских; його су шицки сили природы зос хтору ше служиме. Його шицки народи и племена и шицка власт, Вон Син человечески. Па по при тим ипак охабел Исус кральох и владарох шветских у власци, да управляю з людзми, и да им судзи. Он паче заповедал! „Воздадите Кесареви Кесарева“ т. й. гражданску власт, и земске добро зохабел Исус шаету.

Исусово царство духовне.

Исус за тим идзе и прето утемелел своєю царство, же би людзе Бога спознали, же би го почитовали, же би спольновали його св. волю, и так спасени постали. Привесц людзох из неприятельства на прїятельство Боже; вивесц зос гриха гу честоти, зос ими, на шветло; зос слабосци на крипост; духовну; зос не порядку, на порядок; зос шмарци на живот, зос препасци, — цо му грожелла — вичним прокляством и увесц, го до вичного блаженства — то бул задаток Исуса Христа, Исус прииол основац царство, у хторим ма пановац правда, любов, страх Божи, и каждая честота а по тим мир и щесце, кельо то мож на шведе посцигнуц).

Тото своєю духовне царство заложел вон по своей Церкви, котра е дружество шицких вирующих во Сина Божия. През три роки робел Исус на тим божим, не изглаговано вельким заведению духовним. Вельо и вельо раз толковал Исус своім апостолом и учеником и цалому народу у предивних причтох, як будзе випатрац тото царство Боже, на тим шведе. То причти о часу, о винограду, о бисеру, о велькій вечери, о свадзби сина царева, о десяти дївах и т. д. Предивно ушорел Христос Г. своєю Церкву.

Преписал ей Устав (Устройство и закони). Дал ей верховну невидиму Главу — То Вон сам бул, — дал ей верховну видиму главу. То бул його наслїдник: Св. Петро. Йому за помочникох дал апостолах и ученикох. То су владикове и священници.

Понеже Христово царство духовне, то ше Христос на першим месце постарал, да розум и шерцо нашей души найдзе у нїм шицко, цо му треба, да ше упокои и да будзе щешливѣ.

Розум открил у Евангелиї вични правди, шерцу дал дарунки Св. Духа у седем св. Тайнох. Воистину прекрасно украсел Исус Заручицу свою — Церкву — и подаровал зос вшеїяким благом за души нашо, як гутори Св. Павло: „И Христос возлюбил церков, и себе предал ест за ню, да „освятит ю, да представит себе ю, славному Церков и не „имущу скверни, или порока, или ничто од такових. Но да будет свята и непорочна.“ (Ко Ефес 230.)

З радосцу попатрїме на ню и на ей два езри рочну историю, як з божу помоцу однїма людзох од власци дяволскей, и водзи од побиди до побиди. Кельо милиони нашли щесце у ей лоньох!! О тим другираз: Мих. Мудри.

Нашо претплатнїци

На 1927. рок уплацели предплату слїдующи п. п.

Гербут Дюра, Р. Керестур 50 дин. Гербут Янко, Пишкоревци 100 дин. Рац Михал, Р. Керестур 100 д. Гарди Дюра, Петровци 50 дин. Виславски Янко, Берчко 50 дин. Хома Дюра, Р. Керестур 50 дин. Симунович Янко, столар Р. Керестур 100 дин. Шанта Дюра, Н. Вербас 100 дин. Гаднянски Ефрем, Р. Керестур 50 дин. Гербут Янко, Р. Керестур 100 дин. Губаш Осиф, учитель Шид 100 дин. Горняк Микола, Коцур 50 дин. Стрибер Михал, Коцур 100 дин. Стефан Няради Р. Керестур 50 д. Янко Кишпетьо Р. Керестур 50 д. Михал Папуга, касир Петровци 100 д.

Тарговина

Жито	287.— Д
Кукурица	185.— „
Хмель	5—6.000 „
Мука нулерова	435.— „
„ хлѣбова	400.— „
Млеко литра	3—4.— „
Качки	35—60.— „
Гуски клюкани кг.	65—90.— „
Говедзина	16—20.— „
Швиньске месо	20—22.— „
Целечина	28—30.— „
Славїна сушена	22—25.— „

Оглашуйце до „Руских Новиных“